



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Lvitprandi Ticinensis Diaconi Opvscvlvm, De Vitis
Romanorvm Pontificvm**

Liutprandus <Cremonensis>

Mogvntiae, 1602

XXXVII. S. Liberivs.

urn:nbn:de:hbz:466:1-11115

latur eos, & ad solatium defensionis capitula Nicæni Concilij, quæ apud eos malorum violentia iam non erant, transmitters in eadem se dicit. Hic ordinauit Episcopos 27. presbyteros 25. diaconos 6. qui Nonis Octobris confessor obiit.

XXXVI.

S. IULIUS.

A. CCCXXXVI

IVLIVS, natione Romanus, ex patre Rustico, sedit años 15. menses 2. dies. 6. Fuit autem temporibus Constantij hæretici filij Constantini, à Cōsulatu Feliciani & Maximini. Hic decem menses in exilio degens multas tribulationes est passus. post mortem autem prædicti Constantii ad sedem suam est reuersus. Qui imperantibus Constantio & Constante Augustis Romæ cum 116. Episcopis Synodum habuit, in qua fidem in Nicæno Concilio à 318. orthodoxis Episcopis corroboratam confirmando exposuit, & contra illam omnes sentiētes omnium decreto anathematizauit. Hic in prima epistola, quam yniuersis Orientalibus Episcopis direxit, multipliciter ac rationabiliter eos à calumniis fratrum documentis retrahere nititur, præponens eis multa ex Nicæni Concilii capitulis, & ex suorum prædecessorum decretis confirmans & ipse eadem cum omnibus Apostolicæ regulæ subiectis. In ea verò epistola, quam eisdem orientalibus Episcopis hæreticis scripsit, deserto ac libero ore eos de insolentia, quam contra Romanam Ecclesiam habuerant, arguit, & multis capitulis, multorum auctoritate subnexis & in ea positis eos iniuste Athanasium & cæteros Catholicos Episcopos à sedibus expulisse conuicit, & eosdem hac de causa vocatos culpabiles ostendit, quia totiens vocati venire distulerint, ita dicens. *Sanè manifestum est eos suum confiteri crimen, qui toties euocati absque inexorabili causa venire distulerint, & purgandi se voluntate non vtuntur.* Hic etiam constituit, vt nullus clericus causam quamlibet in publico diceret, nisi in Ecclesia. Hic ordinauit Episcopos 9. presbyteros 18, diaconos 4. Qui obiit confessor pridie idus Aprilis.

XXXVII.

S. LIBERIVS.

A. CCCLII.

LIBERIVS, natione Romanus, ex patre Augusto, sedit annos 15. menses 7. dies 3. Fuit autem temporibus Constantini vsque ad Con-

* 48.

ad Constantium Augustum hæreticum, qui prædictum Papam annis tribus in exilio maceravit, eo quod Arrianæ hæresi consentire noluit. Deinde sacerdotes congregati, in locum Liberii, Felicem presbyterum Episcopum ordinaverunt. Qui habito * 47. Episcoporum Concilio, Ursacium & Valentem presbyteros Arrianæ hæresi consentientes à communione sua, & rectè credentium separavit. Vnde ipsi furoris zelo accensi consilio inito Constantii autoritate missa Liberium ab exilio reuocauerunt, hoc videlicet pacto, vt rebaptizandi solum communione cum eis participaret. Qui prædicto pacto consentiens, retractus est ab exilio, & habitavit in cimiterio S. Agnetis, Deinde factò ab Arianis Concilio Felix vir catholicus est depositus & extra ciuitatem eiectus, & habitavit in prædiolo suo via Portuensi. Liberius autem consentiens Constantio hæretico ad sedem reductus est, non tamen ipse rebaptizatus est, sed rebaptizandi consensum præbuit, & tenuit Romanam sedem postea annis 7. & fuit Romæ tam in clero, quàm in populo magna persecutio. Ordinavit autem Episcopos nouendecim, presbyteros 18. diaconos 5. Obiit autem 8. Kalend. Maii.

* epist. 1.

b epist. 2.

* intendat

7. q. 1. c. suggestum.

* & in futuro plures

* appetant

Qui antequam Arrianorum communione præuaricator esset factus, Athanasio, & cæteris Orientalibus orthodoxis Episcopis decretalem a epistolam direxit, in qua diligentissimè Concilii Nicæni fidem commendat, & pro ipsa seruanda ostendens præmium & pœnam studiosissimè vnumquemque debere certare hortatur. Hic item antequam hæresi Arrianæ assentiret, b epistolam vniuersaliter omnibus scripsit Episcopis, in qua eos hortatur & monet, vt nullus Episcopus pro quibuslibet perturbationibus, dum durare poterit, suam relinquat Ecclesiam, nec quietem monasterii magis eligat, quàm pro populo sibi commissio laborare * contendat, ita inter cætera dicens. *Fatuus hominè insidias respuere, & Patres sequi, & Patrum terminos nõ transgredi, prout Dominus dedit, satagamus, id est, vt nostras Ecclesias relinquere non properemus, dum malis resistere valebimus, aut populos nobis commissos negligere, aut quietem amplius eligere, quàm pro eis laborare, pro quibus etiã animas ponere debemus.* Et inferius in eadem dicit. *Suggestum namque nobis est, quod pro præteritis laboribus, & infestationibus nonnulli vestrum assignatas sibi, & à Deo commissas relinquunt plebes, & * fratres plures relinquere velint eas, quas tueri debent Ecclesias, & pro ouibus sibi commissis laborare negligant, & monasteriorum se quieti iam contradere festinent, & vacationem ab Episcopatus laboribus eligere, & silentio atq; otio vitam degere magis * optant, quàm in his, que sibi*

sibi commissi sunt, permanere, dicente Domino. Beatus, qui perseuerauerit vs. *Matt. 10. &*
 que in finem, & cætera. Ideoque fratres carissimi, non vos afflictionum ^{24.}
 amaritudo à pio mentis vestra proposito coarctet recedere. Attendite itaq;
 vobis & omni gregi, in quo Spiritus sanctus vos constituit Episcopos regere Ec- *Acto. 20.*
 clesiam DEI, quam acquisiuit proprio sanguine suo, vt non sit, qui vos decipiat,
 ac seducat in * sublimitate sermonis, vt plebes vobis commissas relinquatis, & * subtilitate
 * alicubi propter opprobrium malorum hominũ quieti vos tradatis, vt vos so-
 lummodo saluetis, & filios orphanos relinquatis. Item in eadem de ob-
 seruatione canonũ eisdem ita monet dicens. In nullo patiamini pro-
 uidentissima decreta canonum violari, quatenus & Nicænorum canonum in-
 stituta, & quæ à nobis, vel à prædecessoribus nostris prouidè & salubriter sunt
 decreta, intemerata permaneant.

XXXVIII.

S. FELIX. II.

A. CCCLV.

FELIX, natione Romanus, ex patre Anastasio, sedit annum
 I. menses 3. dies 2. Hic declarauit Constantium filium Con-
 stantini esse hæreticum, & secundo rebaptizatum ab Eusebio
 Nicomediensi. Et quia hoc declarauit, ideò postea prædicti Con-
 stantii præcepto capite truncatur in ciuitate Coranna 3. Idus No-
 uemb. Hic consecrauit Episcopos 19. presbyteros 21. diaconos 5. ^{a epist. 1.}
 Hic in epistola^a, quam destinauit Athanasio, & vniuersis Ægypti-
 orum, Thebaidorum ac Libyorum Episcopis quædam capitula à
 sanctis Patribus, tam in Nicæna Synodo, quàm in sancta Romana
 sede constituta interseruit, quibus prædicti Episcopi fulti inimico-
 rum insidias melius possent euadere, quæ & nos huic opusculo
 inferere non inutile videtur. Sic autem incipit.

*Est autem Synodicis decretum institutis, vt nemo Episcopum penes secu-
 lares arbitros accuset, sed apud summos primates. Si quis aduersus Episcopum
 causam habuerit, nõ prius alios Episcopos adeat, vt eũ accuset, quã familiariter
 ei indicet suam querelam, & ab eo aut iustam emendationem, aut rationabilẽ
 percipiat excusationem ipsa nos instruente Veritate. Si peccauerit in te frater
 tuus, vade & corripe eum intra te & ipsum solum: Si te non audierit, ad-
 hibe duos vel tres testes. & si vos non audierit, dic Ecclesia, id est, tunc accusa
 eum publicè, & non prius, & reliqua. Si quis Episcopum post hæc elegerit ac-
 cusare, summis Primatibus Episcoporum suam indicet causam, & non secu-
 laribus, qui magis ad pacem, quàm ad iudicium eos reuocent, vt caritas in o-
 mnibus, & ab omnibus custodiat. Si Primates, aut Episcoporũ accusatores cũ
 eis pacificare familiariter minimè poterunt, tunc tempore legitimo eos ad Syn-*